

續福隆鴻

鼎泰隆

重脩長治縣志序

天下府州縣之有志所以徵
文考獻由來尚矣固非
但紀城郭之建置著山
水之名稱臚列其風土
物產侈潤色而大書

美也蓋將以前事為後
事之師施其教養以遂
民生以正民俗其所繫為
甚大是以周官有土訓
掌道地畝以詔地事有
誦訓掌道方志以詔觀

事推此意則凡有守土牧
民之責者地番方志願可
漠然不加之意乎長治古
黎國自秦漢逮明為郡
為州既而為府而縣倚
郭焉同治中余從軍勦

擒匪張總愚既平督隊西
出關道經此處覽山川
之雄勝所謂據高設險
與天為黨者流連久之
增人壯思不意事有前
日迺於光緒癸巳春來

典是郡與同僚朝夕勤
求深懼無以為理每
參考志乘莫得師資之
助顧縣志失脩自乾隆二
十八年以來百有餘歲政
俗有得失利弊有輕重

人物有豐耗其散在官
牘私書以及邦人之傳聞
睹記者不及時撿輯采
訪久且泯沒不可得知自
光緒己卯歲經

前大中丞曾忠襄公檄

飭各屬舉辦邑乘於是
邑宰銅仁李君幹臣首
倡其事繼之者為徐君蒞
南徐君熙亭蔡君黼宸
雖編纂既列規模粗具
而或以經費不足心其

役或以莅任未久去其官
十餘年尚未告厥成功
會余來守是郡中州白
君永熙實領此縣急其事
商之於余曰然是不可
緩也爰迺籌經費設官

局仍延請鄉宦名孝廉
襄垣教諭楊秋涓先生
為之載筆邑孝廉郭
君寶清等而分理之
經領既切挈而白君又調任
洪洞後至者桂林馬君

保三相與賡續訂證條
別件繫次第編纂閱數
月藏事將付剞劂序
於余愧霄與學昌敢率
言以弁首然喜是志之成
有裨於政治誠使官斯土

者詳稽本末職思其
居效其得而戒其失
興其利而革其弊而
於人物盈虛消長之
故切究而彌忠心焉
庶幾稱父母斯民之意

余所嘗與馬君勉之又
勉者且以敬告將來知
此志非徒然記錄固蘄
於周官地事觀事之旨
激有舍也云尔故不得
辭而為之序

光緒二十年歲在甲午夏

欽加鹽運使銜在任候補道知潞安
府事楚之北應城陳澤霖敬撰

續脩長治縣志序

作事者必先謀始尤貴
成終然世之樂於謀始
而難與圖終者往、然
也書曰政貴有恆又曰
為山九仞功虧一簣非

欲為政者遇事務要其
成哉溯長治之為縣建
於前明嘉靖十年縣之
有志創於萬厯十六年
一脩於

國朝康熙十二年再脩於乾

隆二十八年迄於今又百有
餘年矣而此百二十餘年
中同治時髮捻竄擾光
緒初大祲頻仍生斯際
者未嘗不興懷世運感
時事之變遷也若不取